

《佛說觀無量壽佛經》 補充講表

◎附表二：

○《觀普賢菩薩行法經》云：「一切業障海，皆由妄想生。」

※《圓覺經》清淨慧菩薩章云：「一切眾生，從無始來，由忘想我，及愛我者；曾不自知，念念生滅，

故起憎愛，耽著五欲」。

《占察善惡業報經》云：「如是觀察，一切法唯心想生。若使離心，則無一法一相而能自見有差別也。」

※《占察善惡業報經義疏》云：「譬如同在一處，天見琉璃，魚見窟宅，人見清水，鬼見膿血炭火，

離彼四類有情心想，何嘗別有法相可得。」

○憶想極樂依報種種的殊勝：如飲食、衣服等資生用具，均是隨心所欲，應念即至。

※《佛說無量壽經》云：「若欲食時，七寶鉢器自然在前。金、銀、琉璃、磑磑、瑪瑙、珊瑚、琥珀、

明月、真珠，如是眾鉢，隨意而至。百味飲食，自然盈滿。雖有此食，實無食者，但見色聞

香，意以為食，自然飽足。身心柔軟，無所味著。事已化去，時至復現。……佛告阿難：無量壽國，其諸天人，衣服、飲食，華香、瓔珞，繒蓋、幢幡、微妙音聲，所居舍宅、宮殿、樓閣，稱其形色，高下大小，或一寶二寶，乃至無量眾寶，隨意所欲，應念即至。」

○觀想念佛有助於持名念佛薰習力之增長

※《大乘止觀法門》·止觀依止云：「如一切眾生，同修無量壽業者，皆悉薰于真心共相之性。性依薰起，顯現淨土，故得凡聖同受用也。」

※諦閑大師於《大乘止觀述記》云：「同修無量壽業，謂同修往生阿彌陀佛極樂淨土之業。」性依薰起，顯現淨土」八字，說盡念佛法要。謂本具之佛性，為無明覆障故，必依淨業之薰力，薰令生起。

所謂心想佛時，是心即是三十二相，八十隨形好，是故念他佛，即是念自佛也。然以積垢之身，非仗彌陀悲願，何能自拔！故一句萬德洪名，當如孩提之呼父母，心口宛轉，聲淚交迸，有非蒙垂手提攜不可之勢。如是真誠，方能薰起，顯現淨土。所以念自佛，必須念他佛也。」

※《靈峰宗論》卷第五之三・念佛即禪觀論云：「思惟憶持此現前一念心性，名為念佛。蓋念者，始覺之智；佛者，本覺之理也。……夫雙念自他佛者：了知心、佛、眾生、三無差別。乃託他佛，助顯本性。由悟本性，故與禪觀非異；由託他佛，故與禪觀非同。是謂勝異方便，無上法門。」

○五重玄義：以結識一人為譬喻。

一、先識姓名（釋名）。二、次認面目（顯體）。三、知其志願（明宗）。四、明悉才用（論用）。五、評判人格（判教）。

○能觀之智

※《大乘止觀法門》・歷事指點云：「又復行者既如是知一切諸佛，是心所作故。當知身及供具，亦從定心出生。」

※《大乘止觀述記》云：「須知無論作何種觀，皆從定心出生。若心不定，即便馳散。必須雜念不生，而後心定，心定而後觀門可成，觀成謂之出生也。上來一切諸佛，本從定心出生。故今云亦從。」